

Tsebatša go batho bohle gore Jesu o a phela!

Thero mo Mateo 28:1-15

Palo ya Beibele: Mateo 27:57-28:20

Temanathero: Mateo 28:1-15

Mo therong ye bohlatse bjo bo bedi bo tlilego bapetšwa. Gomme mafelelong a thero o tlile go kgopelwa go tšea sepheto: ana ke bohlatse bofe bjo o tlilego go bo amogela? Ana o tlile go botša batho ka moka eng? Ana o tlile go dumela ka bowena?

Tsebatša go batho bohle gore Jesu o a phela!

1 Bohlatse bja basadi

2 Dipolelo tša bahlabani

1 Bohlatse bja basadi

History ya tsogo ya Jesu a thoma ka ga batho batee bao ba bego ba le gona mo polokong ya gagwe: basadi ba ba bedi ba maina a go swana: Maria Magdalena le Maria yo mongwe. Ba bile dihlatse tša mathomo tša mahlo go bona tsogo ya Kriste. Mo matšatšing ao e be e le setlwaedi gore dihlatse ge a ka ba basadi gona taba yeo ga se nnete. Lentšu la mosadi le be le sa kwagale mo lekgotleng. Empa Modimo, ka bomodimo bja gagwe, ga a ka a lebelela seo batho ba bego ba bona ka tsogong la sepolotiki e le nnete, gomme o dirile basadi ba babedi gore e be dihlatse tša tsogo ya Jesu. Basadi ba babedi bao ba ilego ba ema tumelong ya bona go fihlela motsotso wa bofelo wa Jesu. Le ga go le bjalo, se ga se re gore basadi ba ba be ba letetše seo gore se phethagale. Gobane ba be ba na le tumelo e nyane, bjalo ka barutiwa le batho ba bangwe. Ka morago ga lehu la Jesu sefapanong, ka labohlano mantšiboa, ba ile ba beakanya ditlolo le dinko tše monate gore ba tlotše mmele wa Jesu ka tšona. Gomme bjale ka letšatši la mathomo la beke mo mesong pele ba eya lebitleng, mohlomongwe ba ile ba thoma ka go ya mabenkeleng go reka ditlotšo le tše dingwe tša go hlwekiša mmele wa Jesu. Empa ge ba fihla lebitleng, ka go se dumele seo ba se bonago ditlotšo tše tša bona e be e lefela go di swara.

Seo ba se bonego bona bjalo ka dihlatse tša mahlo se be se makatša kudu. Mateo o bolela ka ga go šišinyega ga lefase, e be gona go theoga ga morongwa wa Modimo go tšwa legodimong. Morongwa o ile a batamela leswika la lebitla, gomme a le iša ka thoko bjalo e ka ke lefofa, gomme a dula godimo ga lona. Ka tsela yeo morongwa a bego a lebega ga re botšwe ka botlalo. Empa go a bolelwa gore tšwelelo ya gagwe e be e makatša, e le bjalo ka legadima. Gomme diaparo tša gagwe di le tše šweu bjalo ka leswela. Ga go makatše gore bahlabani bao ba bego ba dišitše lebitla ba ile ba tshoga. Ba ile a roromela ka poifo, gomme ba ba bjalo ka bahu. Morago ga seo, mo karolong ya bobedi ya thero ya rena, re tlile go boa gape re bolela ka bahlabani ba.

Bjale basadi ba ile ba bona – bjalo ka bahlabani – dilo ka moka tšeo di diragetšego. Gomme morongwa o bolela le bona a re. re a tseba gore mo dipukung tše dingwe gore e be e se bona fela, empa le basadi bangwe ba tlile. Ana morongwa o boletše eng gabotse? Sa mathomo o theoša moya wa basadi. Ga go na lebaka la gore ba boife – kantle le bahlabani! Ba be ba na le lebaka ka moka la go boifa!!! Ditlamorago ke gore morongwa o bolela gore o a tseba gore gobaneng basadi ba tlile lebitleng, gobane ba be ba nyaka go tlotša mmele wa Kriste. Empa a tšwela pele seo ga se hlokagale bjale. Gobane Jesu o tsogile mo lebitleng. Ana ga ba gopole gore Jesu o boletše ka ditaraglo tše ge ba be ba le Galilea? Re ka bala seo go Mateo 20:18-19: Jesu o boditše barutiwa ba gagwe nakong ye ba bego ba le Galilea – kgole go tšwa Jerusalema: re a sepela re ya Jerusalema, gomme morwa motho o tlile go gafelwa diatleng tša baperisita ba bagolo le ba bagolo ba mangwalo. Ba tlile go mo gafela lehu gomme ba tlile go mo dira montle gomme ba mo roge gomme a bapolwe. Empa ka letšatši la boraro o tlile go tsoga bahung a phela gape! Jesu o tsebaditše se ka tsela e bonolo kudu. Le ga go le bjalo, ba be ba sa gopole ka lebaka la gore Jesu o tlile go hlokoatšwa. Gobane mo megopolong ya bona go be go na le tsebo ka nako

yeo gore Jesu o tlile go ba kgoši. Empa bjale morongwa o a ba gopotša ka lebaka la gore Jesu o boletše ditaba tše ka boyena, gore di tlile go phethagala. Ka morago ga kgopotšo ye morongwa o botša basadi gore ba bolele molaetša ka tsela efe. 'Etlang le bone felo mo a bego a robetše'. Lefelo leo le be le se na selo. Re a tseba go tšwa mo mangwalong a mangwe gore diaparo tša gagwe di be di le mo, tšona tšeo mmele wa Kriste o bego o phuthetšwe ka tšona ka labohlano mantšiboa, e be e le tšona fela tšeo di šetšego mo. Diaparo tšeo di bile thata gobane go lebeletšwe ditlotšo. Yo mongwe a ka bona gore mmele wa Jesu o tšwele go tšona gabotse. Empa go se bonolo ka lebaka la go utšwa. Ga go kgonagale go tloša mmele wa mohu mo diaparong tšeo ditiilego ka tsela yeo.

Gomme bjale ge basadi ba be ba lebeletše se, dikgopolo tše dintši di be di lego bona. Ba be ba šokilwe. Empa morongwa o be a leka pela. Theetšang, basadi, a re, sepelang gona bjale le botše barutiwa ba gagwe: o tsogile mo bahung! Gomme o le etapele go ya Galilea. Gona mo le tlile go mmona! Molaetša wo le tla iša go barutiwa ba gagwe. Sepelang! Le se ke la senya nako.

Gomme re a bona bjale gore basadi, bao ka go le lengwe ba sa tshogilego, empa ka go le lengwe ba na le lethabo le legolo kudu, ba sepela ka nako yeo. Letšatši leo ba bego ba ipotša gore e tlile go ba letšatši la go se swane le a mangwe – letšatši la mahloko le dillo. Empa ka bonako meokgo ya bona ya fetoga go ba lethabo. Ba be ba gopola gore ba tla fetša letšatši ka moka mo lebitleng, ba lokiša mmele wa mong wa bona. Empa bjale ba botšwa gore ba tloge mo lebitleng, gobane mong wa bona o šetše a tlogile mo lebitleng le.

Ka nnete, dilo ka moka di fetogile! Mo mengwageng ye e fetilego nakong tše dingwe Jesu o be a laela barutiwa ba gagwe: le se ke la botša motho ka se. mohlala ka morago ga go tsoša morwedi wa Jairo mo bahung. Mohlolo wo o ile wa sekwišiše ke batho ke tsela tše dintši. Ana o be a robetše, goba o be a hlokofetše ka nnete? Ke fela batswadi ba gagwe le barutiwa ba bararo bao ba bego ba le gona, bao ba tsebago seo se diragetšego. Go a makatša! Ka nako yeo temošo ya Jesu e be e le bonolo: le se ke la botša motho ka se. go swana le motho wa lephera yo a ilego a fodiša ke Jesu. Gape temošo ya Jesu e be e le: o bone gore o se botše motho ka taba ye. (Matth 8.4)

Empa bjalo dinako di fetogile! Mo nakong yak gale Jesu o be a sa nyake gore batho ba dire ka bonako. O be a tseba gore bohle ba be ba nyaka go mo dira kgoši ya bona. Empa ka nako e tee o be a tseba – ke yena fela yo a bego a lemoga – gore tsela ye ya go rwešwa e swanetše go feta pele magageng a maso. Gomme o be a tseba gore batho – le barutiwa ba gagwe – ba be ba sa nyake go amogela seo. Le ke lebaka leo Jesu a rego: le se ke la botša motho.

Empa bjalo dinako di fetogile! Bjale Kriste o tsogile mo lebitleng. Gomme ditaba tše tše botse di be di sa sepele ka bonako. Gomme mang le mang o swanetše go di kwa! Bjale sepelang ka bonako le botše barutiwa ba gagwe, morongwa a kgopela basadi. Ba botšeng gore Jesu o a phela!

Ge re tšwela pele go bala temana ya rena, ka morago nyana fela, ga se Jesu o ile a tla tšeng ya bona. Ka bonako Jesu a kopana le bona. 'Kagišo' a bolela bjale. Ka tsela engwe e be e tlwaelegile. Go feta pele ga mo. ka go le lengwe e kwagetše e fapana kudu. Gobane monna o be a eme ka thoko ya lebitla bjale. Ka go le lengwe e le setlwaedi. Ka bjalo ba khunama fase, ba hokara maoto a gagwe, ka go le lengwe go be go fapana le pele! Ba hokara maoto a gagwe ao a bego a tonya e bile a hwile, empa bjale a fiša a bile a phela! Maoto ao ba bego ba sa kgona go bona dintho tša sefapano. Go fetiša peleng ba mo tumiša gagolo.

Bjalo ka morongwa, Jesu le yena a ba kgothatša. Le se ke la boifa. Gomme a boeletša molaetša wo morongwa a ba filego ona: sepelang le botše barutiwa gore ba ye Galilea, gona mo tlile go mmona. Ka nnete, Jesu a bitša barutiwa ba gagwe baratho ba gagwe. Yena, le ge a phagamile, o be a se ne le dihlong tša gore bitša baratho le dikgaetšedi! Sepelang le botše baratho ba ka. E se go bona fela, sepelang le botše batho ka moka gore ke a phela!

2 Dipolelo tša bahlabani

Mo ditemaneng tša 11-15 Mateo o re bušetša gore re lebelele morago lebitleng go bahlabani, bao ba bego ba tšhogile. Gomme ka go tseba ga se selo sa letšatši ke letšatši gore ba bone go phadima ga morongwa a etla ka thothomelo ya lefase. Ba ile ba šišinyega, gomme ba ba bjalo ka bahu. Gomme mohlomongwe ba ile ba robala fase lebaka le letelele. Gomme mo ba ile ba bona morongwa a tloša leswika la lebitla. Gomme ka morago ba bona setopo, se etšwa ka gare ga lebitla, gomme se phadima! Ba be ba sa kgolwe mahlo a bona! Gomme ba kwa ka moka tšeo morongwa a di boditšego basadi. Gomme ka maatla a bofela go bona, ba kitima ka lebelo kudu. Ba be ba kitima bjalo ka digafi mo motseng, go botša bathapi ba bona tšeo di diragetšego!

Bahlabani ba ba be ba thapile baperisita ba bagolo go diša lebitla, gobane baperisita ba bagolo ba be ba boifa gore barutiwa ba Jesu ba be ba ka tla ba tšea mmele wa mong wa bona, gomme ba o fihla, gomme ba botša batho gore: Jesu o tsogile lebitleng. Gobane go be go tlwaelegile mo go batho gore Jesu o ile a tsoša batho bahung. Bjalo ka Lazaro. Gomme baparisita ba bagolo ba be ba boifa kudu gore batho ba tlile go tla ba bontši go bona seo se diragetšego. Bjalo ka ge go be go swana lebakeng la Lazaro yo a tsošitšwego mo lebitleng. Dikete le dikete di ile tša tla motseng wa gabo go mmona.

Ana Jesu o a phela? Aowa! Ba gopola bjalo. Ga re nyake seo! Gomme ka tsela yeo ba neela temošo ka pela go bahlabani ba re: sepelang le botše batho le re... gore barutiwa ba gagwe ba tlile e le bošego gomme a utswa mmele wa gagwe. gomme... ka bomadimabe rena bahlabani re be re robetše ka nako yeo. Lebelelang – baperisita ba bagolo ba re – bonang re swere mokotla o mogolo wa tšhelete go nea ka moka ka lena. Ka nnete le ke tšhelete ye ntsi kudu. Empa ke a lena ka moka! E tšeng! Empa botšang batho ka moka gore Jesu ga a phele. Gomme, re tlile go beakanya tšohle le Pilato. Gobane ge a ka tseba gore le be le robetše mo mošomong, le tlile go otlwa gagolo. Empa le se ke la tshwenyega, re tlile go bolela le yena. Ga go seo se tlilego go le hlagela.

Ka tsebatšo ya seo ba se filwego go be go se bonolo go thibela maaka. Ge e ka be ba be ba robetše ba tšebile bjang gore barutiwa ba utswitše mmele wa gagwe? ana ba be ba robetše mahlo a bona a bulegile? Empa seo – ke bothata – ge batho ba fiwa tšhelete e ntši, go bonolo gore ba ikemišetše go bolela maaka, le go dumela maaka. Gomme Mateo o ngwala o re: 'le lehono taba ye a sa phatlaletše mo go Bajuda.'

Gomme bjale bana bešo, ngwaga le ngwaga kereke e keteka Paseka. E ka ba mengwaga ye dikete tše pedi tšeo Paseka a ketekwago ngwaga le ngwaga. Gomme le ngwaga o, lehono potšišo e tla go rena: ana o tlile go dumela eng? Go fihla lehono go na le ditaba tše pedi. Bohlatse bja basadi, le polelo tša bahlabani. Nka go botša gore mo mengwagangwageng dimillione tša batho di hweditše khutšo, le kagišo maphelong a bona, gobane ba dumetše bohlatse bja basadi. Go šupile gore nnete e feta maaka ka maatla. Ga go tšhelete – a ka ba bokae – yeo a ka gatelelago nnete ye. Nako le nako, ge motho a etla go Kriste, gomme a sokologa gomme a dumela mo nneteng ya tsogo ya Jesu, nako le nako ge se se diragala, ke mohlolo. Se tliša lethabo mo bophelong bja motho. Se tliša lethabo legodimong. Se tliša tšeo di sa tlogo go diragala pele gore motho o tlile go tsoga a phele ka go sa feleng!

Gomme bjale ke boeletša potšišo ya ka: ana o tlile go botša batho eng? Ana wena o dumela eng?

Amene.